

չարժեցին Կորեերի վրայով»։ Նա խնդրում է կարգադրութիւն անել։ Կառավարութիւնը որոշեց չընդունել վերջնազիրը, չյանձնել Շահալի կայսրանը և զինւած ուժի դիմելու պարագային՝ ցոյց տալ դիմադրութիւն։

Ստացանք Դիլիջանից ևս երեք հեռագիր. առաջին, որ մերոնք գրաւել են Կորեերը, երկրորդ, որ պարպել են Կորեերը գերմանացի լէյտենանտի պահանջով և երրորդ, որ մերոնք նորէն եկել են Կորեեր։ Մեր կառավարութիւնը Թիֆլիս ուղարկեց մի հեռագիր Ժորդանիային, որով առաջարկում է զինւած ընդհարում չառաջացնել, այլ աշխատել ընդհարումը լուծել խաղաղ ճանապարհով։

Ձամալեանից ստացանք երկու ռադիո-հեռագիր. առաջինով յայտնում է, որ ինքը յուշագիր է ստացել՝ դատարկելու Թիֆլիսի նահանգի այն մասը, որ թողնում են թիւրքական զօրքերը. երկրորդով, որ նա տեսակցել է վրաց արտաքին դործոց նախարարի հետ ու վերջինս առաջարկել է թողնել գրաււած շրջանները և ապա բանակցութիւններ սկսել հարցը խաղաղութեամբ վերջացնելու համար. կառավարութիւնը կանգնած է այն տեսակէտի վրա, որ հարցը պէտք է լուծել խաղաղ ճանապարհով և պահել բարի-դրացիական յարաբերութիւնները։

Այս արտակարգ յայտարարութիւնից յետոյ ընդմիջում արեց, որի միջոցին ստացեց մի նոր հեռագիր, թէ՛ հայկական զօրամասերը բռնել են թիւրքերի թողած ամբողջ շրջանը և որ դրութիւնը հանդիստ է։ Միջնադարին Ֆրակցիաները՝ ունեցան խորհրդակցութիւններ, և երբ նիստը վերսկսեց, ամենքի որոշումն արդէն պատրաստ էր։

Կառավարութեան յայտարարութեան առթիւ արտայայտեցին բազմաթիւ պատգամաւորներ, որոնք բոլորն էլ շեշտում էին միջադէպը խաղաղ ձևերով հարթելու անհրաժեշտութիւնը, բայց եթէ վրացիները դիմեն զինւած ուժի, անհրաժեշտ էր ցոյց տալ դիմադրութիւն։ Ի վերջոյ, ընդունեց հետևեալ բանաձևը. «Լսելով կառավարութեան յայտարարութիւնը՝ Հայաստանի Սորհուրդը հաւանութիւն է տալիս կառավարութեան բռնած քաղաքականութեան ու արած քայլերին և առաջարկում է նոյն ուղղութեամբ շարունակել»։

Ստանալով Հայ-Սորհուրդի հաւանութիւնը՝ Յ.Քաջազնունին հեռագրեց Թիֆլիս, Ա. Ձամալեանին, թէ՛ «Հայաստանի Սորհուրդը լսելով իմ գեկուցումը վրացական № 4303 դիմումի և Շահալի պարպելու մասին արւած վերջնազիր-պահանջի, այլ և կառավարութեան ձեռք առած միջոցների մասին՝ որոշեց 1) հաւանութիւն տալ կառավարութեան գործողութիւններին և առաջարկեց նրան յետագայում էլ հետևել ընդունած ուղղութեան. 2) պարտք դնել կառավարութեան վրա՝ ամէն ջանք թափել բախումը խաղաղ ճանապարհով լուծելու համար՝ այն յոյսով, որ Վրաստանն էլ յետ կը կենայ յարձակողական քայլերից և չի անցնի իր գրաւած գիծը։ Սնդրեմ հաղորդել այդ մասին վրաց կառավարութեան»։

Մի ուրիշ հեռագիր էլ տրեց Ժորդանիային, պատճէնը՝ Ձամալեանին. «Դիլիջանի գորամասի պետը հաղորդում է, որ վրաց հրամանատարութիւնը վերջնազիր է ներկայացրել՝ դատարկելու Շահալի կայսրանը։ Նա հրաման տուի՝ չդատարկել կայսրանը, և եթէ վրացիները անցնեն յարձակման — պաշտպանել։ Ի խուսափումն բարդութիւնների, որոնք կարող են առաջ բերել նոր աղէտներ, յանուն պատերազմից տառապած ու յօշոտւած Վրաստանի և Հայաստանի բարիքի, յանուն իրաւունքի և արդարութեան